


詩集傳名物鈔

二



詩集傳名物鈔

(二)

許謙撰

叢書集成

初編

主編者
王雲五

商務印書館發行

詩集傳名物鈔卷第三

王之一之六
四變

傳○疏漢地理志洛邑與宗周通封畿東西長南北短相覆千里瓊案西周方八百里爲方百里者六十四東周方六百里爲方百里者三十六二都方百里者百方千里也○華胡化反太華卽華山在京兆華陰縣南外方卽嵩高在潁川嵩高縣前編外方非嵩高今河南府伊陽縣伊闕鎮之西陸渾山據唐志一名方山蓋古爲外方春秋時秦晉遷陸渾之戎居此因名陸渾云其山固嵩高之聯峰然謂爲嵩高則非爾○疏左氏傳襄王賜晉文公陽樊溫原欒茅之田晉於是始啓南陽杜預云在晉山南河北故曰南陽是未賜晉時爲周畿內故知北得河陽百故應劭注漢河內郡修武縣云有南陽縣是晉所啓南陽今修武省爲鎮屬懷州河陽亦漢河內郡之縣今爲孟州縣所謂漸冀州之南也○營洛在成王七年周禮以土圭之法測土深正日景以求地中日至之景尺有五寸謂之地中天地之所合也四時之所交也風雨之所會也陰陽之所和也乃建王國焉正作洛之事也深尺鳩反又尸鳩反景與影同○前編幽王立褒人有罪請入女子於王以贖罪是爲褒姒幽王三年王之後宮見而愛之生子伯服五年廢甲后及太子宜臼以褒姒爲后伯服爲太子宜臼奔申十一年申侯與緡西夷犬戎攻幽王殺幽王驪山下虜褒姒晉文侯鄭武公衛武公秦襄公皆以兵來救晉

鄭卽申立宜曰。是爲平王。繒慈陵反。國在沂州。○戲許宜反。驪山下地名。○鄭譜。成王欲宅洛邑。使召公先相宅。旣成。謂之王城。今河南是也。召公旣相宅。周公往營成周。今洛陽是也。東萊先生曰。成周乃東都總名。河南。成周之王城也。洛陽。成周之下都也。平王東遷之後。所謂西周者。豐鎬也。東周者。東都也。威烈王之後。所謂西周者。河南也。東周者。洛陽也。地理考異。王城本鄭鄆。在河南縣北九里。自平王以下十二王。皆都此城。至敬王乃遷成周。在洛陽縣東北二十六里。赧王又居王城。鄭古洽反。鄆而蜀反。○疏。風雅之作。本自有體。言作詩不爲雅而爲風。非謂采得其詩。乃貶爲風也。張逸問鄭曰。平王微弱。詩不復雅。厲王流彘。幽王滅戲。在雅何答。意謂幽厲以酷虐之政。被於諸侯。故爲雅。平桓政教不及畿外。故爲風。○李氏黍離以下皆平王之詩。安得謂詩亡。然後春秋作乎。孟子蓋謂雅頌之詩亡也。

孟子所謂詩亡。東遷之後。王者迹熄。雅頌之作亡也。先王之德。西都頌之至矣。可無作也。政令不能行於天下。故雅亦無所爲而作。西都數百年。非無風也。古之錄詩。所以示勸戒。有雅以道天下之故。則無事於采。風雅旣亡。則取民間之詩。以紀政俗。王風十篇。黍離爲大夫行役。餘皆民間之詩也。蓋雅必出於朝廷。風則在下之歌詠。古則必有其制。或上可兼下。下不可僭上也。是以東征之事。大於玁狁之役。而東山勞歸之詩。不在采薇出車之列。雖出於變。亦不與六月采芑同什也。於此可見風雅之體。不可易置矣。

黍離·王
大夫行役閔周

經

始視之謂黍之離離。復視之乃稷之苗爾。蓋心迷意亂。目視不精而致誤也。所以行往而遲遲者。以心之搖搖而不定也。又見惟欲徘徊於此而無意於行也。至於稷之穗易辨矣。而亦莫辨。則憂之甚。又至於成實則尤易辨而亦莫辨。則憂愈極。故心如醉如噎之辭。亦愈重也。此則賦體也。

傳○一章。傍步光反。徨胡光反。

愚謂黍似粱而非粱。稷今之稌也。二物稍相類。但黍黃而稷黑。黍小而稷大。今中原皆有之。朱子解二物似差互。今以傳文兩易之。曰黍穀名似稷而小。穗黃色。稷亦穀名。一名稌苗似蘆。高丈餘。穗黑色實圓。重云或曰粟也四字。如此恐得其實。蓋古之粱。即今之粟。古之粟。即今之穀。粟穀實之總名。說文。稷五穀之長。謂獨長於衆穀也。本草。稷今稌也。與黍同類。稌音祭。

三章。疏。噎者咽喉蔽塞之名。詩緝。食窒也。如噎。謂氣逆而如噎也。

君子于役。

王二

大夫妻思其君子。異。

經○一章。箋。羊牛從下牧地而來。

賦而興也。上三句。謂君子之役無期可歸。次三句。則以家中目前之所睹者以起興。雞則必棲于埽與桀。猶人必當止於家。今乃不得止息。日夕則羊牛必來。猶人出有期必當歸。今乃無期可歸。

則思君子之心容可已乎。

傳○一章畜許六反○二章牀以卽反○疏庶幸也。幾覲也。庶幾者幸覲之意。覲几利反。

君子陽陽。

王三

前篇婦人。

異。

經○陶釋文音遙。毛義與傳同。○語錄問君子陽陽詩。不作淫亂說如何。曰。有箇君子。于役如何。別將

這箇做一樣說。由房只是人出入處。古人屋於房處。前有壁。後無壁。所以通內。所謂焉得諼草言樹之背。蓋房之北也。○箋。君子祿仕。在樂官招我。欲使我俱在樂官也。

此詩或爲淫亂之辭。而朱子不然者。豈以執詡爲舞器。由敖爲舞位。非淫者之所宜有乎。然則以大夫招其妻入於舞位。亦或有微礙否。竊意此誠賢者仕於伶官。如簡兮比。鄭箋或得其說也。但招我之招。不必作相招祿仕爾。房。毛謂房中之樂。疏。天子房中之樂。以周南諸侯以召南。

揚之水。

王四

戊申之人。

經○疏言甫許者。以其俱爲姜姓。旣重章以變文。因借甫許以言申。其實不成甫許也。六國時秦趙同

爲嬴姓。史記漢書多謂秦爲趙。亦此類也。○詩緝。楚小於薪。蒲輕於楚。不流束蒲。則弱之極矣。

此詩也。彼其之子。指留國中不出戍之人而言。猶莫非王事。我獨賢勞之意。怨辭也。水本可以載巨舟。今悠揚緩流。乃至不能流一束之薪。以比王本號令天下。今號令不行。至不能保其母家。況賦役不均。而彼其之子。乃安處於家。不與我同出戍。思而又思。何日月我得歸哉。平王旣不能正。

王室又以畿內之民下戍於不共戴天之讎而且賦役不均故其民怨之而言如此。

傳○一章屯徒門反數色角反○三章疏蒲柳有兩種皮正青者曰小楊皮紅者曰大楊其葉皆長廣

於柳葉皆可以爲箭榦毛云蒲草○題下施式豉反

中谷有蓷王五婦人見棄自述

經

禮義陵遲風俗澆薄百姓失其夫婦婦之道以貧而仳其妻始怨而終悔也蓋天方旱時蓷草生於谷中幽陰之地者遇嘆而且乾矣於是夫豫防食之不足仳離其妻婦人乃慨然而嘆以遇夫之艱難困厄故也脩如脯亦乾之義也婦人嘆之不足又歎以發其憂思以不幸而遇其夫之不善者故也久而天雨旣降蓷之嘆者今則溼矣是則禾黍復蘇可以有得食之望而女之旣離者不能再合雖泣而嗟嘆無及深恨覆水之不可復收也夫之與婦固當偕老貧富苦樂皆宜共之而不變今非有可出之罪於天之方旱亦未見其黎民靡有子遺之勢而輕儇無義遽仳離之將豫置於死地宜其嘆歎涕泣而怨之深也及其旱之旣解而室家之道已絕則雖嗟何及哉于以見上之人教化無素致下民無道可以觀東周之風矣詳味其辭人在言外蓋當時君子之言非婦人之所自作也

傳○一章離萑並音佳爾雅萑葦蓋草本名萑又名葦毛氏以離字代葦字故傳從之葉似萑爾雅注

及詩疏皆作葉似荏。今傳中荏字誤。蓋離卽荏。不可謂之似荏也。爾雅疏。臭穢草。荏蔚也。又名益母。荏者。白蘇紫蘇類也。荏昌嵩反。蔚紆勿反。○穀不熟。饑菜不熟。饑。○二章。語錄。淑善也。三字合移在

免爰。

王六

君子不樂其生。

經○羅音離。叱五戈反。

傳○一章。難奴旦反。○庶幾見君子于役。○二三章。爾雅。繫謂之置。置。覆也。覆謂之學。學。覆車也。注。今之翻車有兩轅。中施罾以捕鳥。一物五名。展轉相解。繫音壁。覆音輟。覆方六反。罾古縣反。

序○左氏傳。桓公五年。王奪鄭伯政。

桓王鄭莊公

鄭伯不朝。王以蔡衛陳人伐鄭。鄭伯禦之。王爲中軍。虢公

林父將右。周公黑肩將左。鄭原繁高渠彌以中軍奉公。曼伯右拒。祭仲足左拒。戰于繻葛。王卒大敗。

祝聃射王中肩。拒俱甫反。繻音須。聃他甘反。射音石。中竹仲反。

葛藟。

王七

民流離失所。異。

經

葛藟本生於山谷丘陵。在河之滸。爲非其所。興已之失所也。

傳○一章。遠見鄘。蝦蟇。○左氏傳。昭三年。鄭罕虎如晉。叔向曰。君若不有寡君。雖朝夕辱於敝邑。寡君猜焉。又二十年。齊公孫青聘于衛。衛亂從諸死鳥。賓將振。主人辭賓曰。寡君之下臣。君之牧圉也。若

不獲扞外役是不有寡君也。注有相親有。振祖侯反。○三章爾雅夷上洒下曰湑。疏夷上平上洒下。隋下愚謂洒猶洗也。岸上面平夷而其下爲水洗蕩。齧入若唇也。洒蘇典反。

采葛。王八淫奔。異。

傳○二章爾雅蕭萩疏萩一名蕭。今人所謂萩蒿是也。或云牛尾蒿似白蒿。白葉莖羶。科生。多者數十莖。可作燭。有香氣。故祭祀以脂薰之爲香。許慎以爲艾蒿非也。今傳作萩也。誤字。萩雌由反。○熇如劣反。○三章艾爾雅一名冰臺。注今艾蒿也。○灸紀有反。

大車。王九淫奔者畏大夫。異。

傳○一章毳衣以宗彝爲首。次藻次粉米。凡三績於衣。黼黻凡二。繡於裳。宗彝有虎。蜼毛蟲也。故曰毳。詩緝王之三公八命。其卿六命。大夫四命。及其出封。皆加一等。八命加一等。卽上公九命。其未出封。則與侯伯同服。公與侯伯同服。則卿與子男同服。此詩所謂周大夫者。上大夫卿也。蜼位柚壘三音。丘中有麻。王十淫婦。異。

經○玖見衛木瓜。

愚恐嗟非其人之字。特歎語爾。以三章之子可見子國則所私之人。上下兩章皆異其文也。

王詩譜

王詩十篇。惟黍離揚之水。灼知平王之詩。餘皆不知何王之世。鄭從序說。分爲平桓莊三王。未詳。

是否。

鄭一之七五變

傳○鄭詩譜桓公爲幽王大司徒問於史伯曰王室多故余懼及焉何所可以逃死史伯曰其濟洛河潁之間乎是其子男之國虢鄆爲大虢叔恃勢鄆仲恃險皆有驕侈怠慢之心加之以貪冒君若以周難故寄帑與賄不敢不許是驕而貪必將背君君以成周之衆奉辭伐罪無不克矣若克二邑鄆蔽補丹依疇歷莘君之土也修典刑以守之可以少固桓公從之後三年公死犬戎之難武公卒取十邑之地右洛左濟前莘後河食溱洧焉疏謂濟西洛東河南潁北八國皆在四水之間鄆晉檜冒晉墨帑晉奴掘渠勿反

文王二弟虢仲封東虢鄭滅之卽鄭之制今鄭州滎陽縣也虢叔封西虢晉滅之今陝州是若虢州則其竟之所至也國語虢叔恃勢左氏虢叔死焉者仲之後也左氏虢仲爲王卿士者叔之後也

緇衣鄭一 周人愛武公

傳○一章考工記三入爲纁五入爲緇七入爲緇注染纁者三入而成又再染以黑則爲緇又復再染以黑乃成緇說文纁淺絳也廣韻緇青赤色緇緇尤反○朝直遙反稱昌孕反更古行反餐蘇尊反○疏退適治事之處爲私對在天子之庭爲公在私朝在天子宮內○詩緝天子皮弁以日視朝凡

朝服。君與卿大夫同。今天子之卿而服緇衣者。蓋既朝於天子而退治事。則釋皮弁而服緇布衣。以聽其所治之政。其服以緇布爲冠。以黑羊皮爲裘。以緇布爲衣而裼之。其上加朝服。十五升緇布爲之。其裳皆素。○詩記諸侯入爲卿士。皆受館於王室。適子之館。親之也。○鑿卽各反。粟一石得米六斗爲糲。糲米一石舂爲八斗爲鑿。糲郎達反。○朱子。漢有白粲之刑。給舂導之役。是也。○題下。詩緇孔子云於緇衣見好賢之至。孔叢又云。好賢如緇衣。惡惡如巷伯。禮記緇衣。緇衣之詩。繡綵殷勤。可謂好之至。巷伯之詩。欲取讒人。投畀豺虎。有北有吳。可謂惡之至。詩之好賢惡惡多矣。獨舉二詩。以其至者言之也。

將仲子。鄭二淫婦。異。

此詩詞氣。類野有死麕之卒章。然有畏父母諸兄國人之言。猶爲善於彼也。此可見理義根於人心。有終不可泯者。身之陷於淫邪。不能禁其欲也。有畏人之意。良心之存也。儻上之教化行。而下之風俗厚。若此婦人。豈不能修飭而以貞信自守邪。然則小民心術之微。皆上之人有以興喪之耳。

傳○三章。韜音刃。
叔于田。鄭三國人愛共叔。

經

二章三章傳有音釋而無其說。蓋與首章之意同也。無飲酒服馬。謂無如叔之善飲酒服馬者。此詩雖段不義得衆而人愛之。然詳味其辭。非小人黨惡者之言。蓋君子知幾者所作也。終篇雖全稱美。略無譏刺之辭。而所美者惟田狩飲酒之事。舍是蓋無足言者。且公子居大都。專事驅聘田獵。沈湎于酒。而人心歸仰如此。則將何所不至邪。禍敗之來。豫知之矣。

傳○一章左氏傳。隱公元年初。鄭武公娶于申。曰武姜。生莊公及共叔段。莊公寤生。驚姜氏。惡之。愛段。欲立之。請於武公。公弗許。及莊公即位。爲之請京。使居之。謂之京城大叔。旣而大叔命西鄙北鄙貳於己。又收貳以爲己邑。至于廩延。大叔完聚。繕甲兵。具卒乘。將襲鄭。公伐京。京叛大叔段。段出奔共。共音恭。大音泰。

大叔于田。鄭四同前。

經○通解。狩者捕禽獸。以其承宗廟。示不忘武備。因以爲田除害。鮮者何也。秋取嘗也。取禽嘗已祭取餘。獲陳于澤也。射宮然後卿大夫相與射。命中者雖不中取也。命不中者雖不中取也。所以貴揖讓之取而賤勇力之取也。彘取于國中。勇力之取也。今取于澤。揖讓之取也。所以檀褐暴虎。獻于公所。○詩緝。組文五采相間。手執六轡如組之文。言其齊比。

傳○一章衡車輓也。○疏。澤水所鍾。水希曰藪。○袒卽檀字。偏脫衣袖也。疏。脫衣見體曰肉袒。凡服裏

有袍釋之厲然後服裘以同色之衣裼之裼上加襲衣襲上加朝服凡獨言袒者袒去襲而露裼言袒裼者則并袒去裼而露肉也釋音宅○二章舍音捨拔音跋括也矢銜弦處○覆芳福反倒也簫弓稍也禮疏弓頭稍剡差斜似簫故謂爲簫射者既發矢則弓隨勢傾倒直指於前以送矢稍師交反○三章笛音同○題下大叔之大音泰

清人

鄭五

鄭棄其師鄭人賦之

經○三章陶陶釋文徒報反驅馳貌今傳無音必當讀如桃而解爲樂而自適之貌則當爲餘招反○好毛鄭皆釋爲容好與傳同而釋文呼報反此字疑從傳如字讀者是

傳○一章重平聲○二章句古侯反○三章凡兵車執弓矢者在左主五兵者在右御者在中唯將車則鼓懸車中而將立鼓下御者在左車右在右○題下春秋閔公二年鄭棄其師左氏傳鄭人惡高克使帥師于河上久而弗召師潰而歸高克奔陳詩疏是時狄侵衛衛在河北鄭在河南恐其渡河侵鄭故禦之

羔裘

鄭六

美大夫異

傳○一章侯美也釋文韓詩訓○卒章英見召南羔羊

遵大路

鄭七

淫婦爲人所棄異

經○二章好釋文一如字一音呼報反傳無音而訓爲情好當從呼報音

傳○一章。擊與攬同。撮持也。○疏。喪服云。袂屬幅。袂尺二寸。則袂是袼之本。袼爲袂之末。○惡鳥路反。說音悅。○二章。家說。毛注。韃棄也。疏不得其說。遂曰。韃與醜同。醜惡可棄之物。故傳以爲棄。案說文。

敲棄也。引詩此句。則不假醜義矣。敲卽韃字。
女曰鷄鳴。鄭八。詩人述賢夫婦。異。

傳○一章。周禮。司弓矢。矰矢。矰矢用諸弋射。注疏。結繳於矢。謂之矰。繳繩也。矰高也。言矰高者。取向上射飛鳥之義。莠之言刺也。以弋飛鳥。刺羅之謂結。繳以羅取而刺殺之也。說文。繳生絲縷。蓋用生絲爲繩也。韻會。刺斷也。斫也。矰音增。莠扶弗反。繳章略反。刺孚勿反。○昵尼質反。二章。中也之中。陟仲反。爲去聲。○三章。珎瑀琚璜。音行。禹居黃。蠙部田反。蚌之別名。○內則。子事父母。左右佩用。左佩紛。右佩玕。小觿金燧。右佩玕。捍管。還大觿木燧。注疏。紛。拭物巾。刀。觿。小刀。及觿。小觿解小結之觿。貌如錐。以象骨爲之。金燧可取火於日。玕。當作決。以象骨爲之。著於右手大指。所以鉤弦開體。捍謂拾也。以皮爲之。著於左臂。以遂弦。管。筆。彊也。還。刀。鞞也。木燧。鑽火也。晴則取火於日。陰則鑽火。又婦事舅姑。左佩紛。右佩玕。小觿金燧。右佩玕。捍管。還大觿木燧。注疏。繫小囊也。裘刺也。以針刺裘而爲繫囊。故云繫裘。餘物不言施。獨于針管線。續之下。而言施繫裘。明爲四物施也。旼始銳反。觿力制反。觿許規反。捍戶旦反。還。時世反。礪。力工反。著。知略反。彊。苦侯反。鞞。必頂反。繫。步干反。裘。陳乙反。刺。七亦反。爲于僞反。○遺于醉反。

有女同車。鄭九淫奔。異。

經○子金子遠望之則有女同車。顏如舜華。近視之則將翺將翔。佩玉瓊琚。問其人則孟姜也。信美且

都矣。此蓋淫人睥睨之詩。

山有扶蘇。鄭十淫女戲所私。異。

經

此詩恐是淫女見絕於男子而復私於人。乃思絕者之美好。而厭所私者之狂狡也。或曰有女同車。男戲女。山有扶蘇。女戲男。其男子之言曰。有女與我同車。同行者貌如舜華。舜英。我將之以翺翔。佩玉固若美矣。然豈如彼美孟姜。容貌則洵美且都。語言則使人不忘哉。同車者則所與淫之女。孟姜則戲設之辭也。女則以山有扶蘇答之。如傳意。

傳○一章扶蘇扶胥。小木。毛傳文。疏謂未詳所出。○二章爾雅紅龍古。其大者藟。疏紅名龍古。人者名藟。一名馬蓼。葉大而赤白色。餘同傳。藟丘軌反。○獐古外反。

蓍兮。鄭十淫女。異。

經○子金子蓍木葉之將落者。風吹則落矣。以見人生之易老。故欲且與之相樂也。今案此說則當爲

比體。

狡童。鄭十淫女見絕而戲其人。異。

經

恐此爲淫女見絕於人而思其人之詞言既與我絕爲思子之故使我不能餐息正言而怨之也

褰裳

鄭十

三·淫女語所私

異

經○二章洧于軌反

傳○一章地理考異郡縣志潞水源出鄭州新鄭縣西北三十里平地○二章漢地志潞川郡陽城縣

陽城山洧水所出東南至長平入潞水經洧水過新鄭縣南潧水從西北來注之潧潧同

丰

鄭十

四·淫女悔不奔

異

傳○一章箋有面貌丰丰然豐滿者彼我於巷中疏巷是門外之道○三章箋褰以禪穀爲之詳見衛

碩人○疏婦人之服不殊裳而經衣裳異文者以詩須韻句故別言之耳其實婦人之服衣裳俱用

錦皆有褰故互言之

東門之墠

鄭十

五·淫者

經

此男女相倡和之辭其事則始相爲亂久而復會共道前日之邪思也一章男道女所居之地曰

東門有墠墠之外阪上有茹蘆之草其地卽女之居也於此而望之室則邇矣不得見其人而甚

遠也二章則女自道所居之地曰東門有栗之所行列之家室卽我居也我豈不爾思乎但子不